

02-03-2026

आकाशवाणी

खबरां जगमोहन शर्मा कोला

पैहले खास-खास खबरां:-

1. प्रधानमंत्री नरेन्द्र मोदी होरें ईरान-इजरायल-अमरीका संघर्ष दे मददेनजर सुरक्षा सरबन्धी कैबिनेट कमेटी दी बैठक लाई। मोदी होरें इजरायल दे प्रधानमंत्री ते UAE दे राष्ट्रपति हुंदे कन्नै टैलिफोन पर गल्लबात कीती ऐ।
2. विदेश मंत्रालय नै भारत च रवा करदे विदेशी नागरिकें लेई सलाह जारी करदे होई आखेआ ऐ जे पच्छिम एशिया च बने दे सुरक्षा सरबन्धी हालात दे मददेनजर उनेगी वीजा सहायता लेई FRRO कन्नै राबता करना लोड़चदा ऐ।
3. प्रधानमंत्री नरेन्द्र मोदी ते कनाडा ते प्रधानमंत्री मार्क कार्नी होर अज्ज नमी दिल्ली च पैलिंगेशन सतह दी गल्लबात करगंन।
4. अमरीका दे राष्ट्रपति डोनाल्ड ट्रम्प होरें दावा बनेया ऐ जे उने ईरान दे 9 समुन्द्री जहाज तबाह करी दिते न। उने चेतावनी जारी कीती ऐ जे ईरान दे बाकी दे समुन्द्री जहाजें पर बी खतरा मंणरा करदा ऐ।
5. मर्दे दे ICC T-20 क्रिकेट विश्व कप च भारत नै कल वैस्ट इंडीज गी 5 विकेट कन्नै हराइयै सैमीफाईनल च थाहर बनाई लैती ऐ, जित्थे ओदा मुकाबला इंग्लैंड कन्नै होग।

<><><><><><>

PM –Cabinet Meet.

प्रधानमंत्री नरेन्द्र मोदी होर कल अपने आवास पर कैबिनेट सुरक्षा समीति दी बैठक दी अध्यक्षता कीती। गृहमंत्री अमित शाह- रक्षा मंत्री राजनाथ सिंह- विदेशमंत्री डॉक्टर एस. जयशंकर ते खजाना मंत्री निर्मला सीतारमण बी बैठक च शामिल होए। कैबिनेट सुरक्षा समीति सुरक्षा ते रणनीतिक मामले पर देश दी बड़ो फैसले लैने आहली संस्था ऐ। एह बैठक ईरान- इजरायल- अमरीका विवाद करी पैदा हालात दी पछोकड़ै च लाई गई।

<><><><><><>

PM –Netanyahu Talks

प्रधानमंत्री नरेन्द्र मोदी होरें कल इजरायल दे प्रधानमंत्री बेजेमिन नितिनयाहू हुंदे नै फोन पर गल्लबात कीती ते पच्छिम एशिया दे मजूदा हालात पर तफसीली चर्चा कीती। मोदी होरें इक सोशल मीडिया पोस्ट पर लिखेआ ऐ कि उने नितिनयाहू होरें गी भारत दिये चिंताएं बारे अवगत कराया ते दस्सेआ जे नागरिकें दी सुरक्षा बारे ओ सबने शा मते फिक्रमंद न। प्रधानमंत्री होरें आखेआ कि भारत- मजूदा संघर्ष दे तौले शा तौले खत्म करने दे

पक्खै च ऐ। तौंआई प्रधानमंत्री मोदी होरें संयुक्त अरब अमीरात दे राष्ट्रपति शेख मोहम्मद बिन ज़ायेद अल निहान हुंदे नै बी गल्लबात कीती ते UAE पर होए दे हमले दी सख्त निंदेआ कीती। उ'नें इनें हमले च होए दे जरूरी नुक्सान पर दुख प्रगट करदे होई UAE कन्नें पूरी हमदर्दी प्रगट कीती।



MEA- Foreign Nationals

विदेशमंत्रालय नै भारत च रवा करदे ऐसे सबनें विदेशी नागरिकें लेई सलाह जारी कीती ऐ जे ओ जेकर अपना वीजा बधाना चाहंदे न- जा मते चिरै लेई इत्थै ठैहरना चाहंदे न- तां तौले अपने नेडे दे विदेशी क्षेत्रीय रजिस्ट्रेशन दफ्तर कन्नें सम्पर्क करन। एह सलाह अमरीका-इजरायल ते ईरान आसेआ कीते गेदे हमलें ते जवाबी कारवाइयें दे बाद पच्छिम एशिया च बदधी तनोतनी दे चलदे जारी कीती गई ऐ- जेहदे चलदे उस क्षेत्र च आओ-जाई पर असर पेया ऐ। भारत नै पच्छिम एशिया च अपने नागरिकें लेई बक्खरें तौरा पर यात्रा ते सुरक्षा-परामर्श जारी कीता ऐ। तेलअवीव च भारतीय दूतावास नै भारतीय नागरिकें गी बड़ी मती एहतियात बरतने- गैर जरूरी यात्रा करने कोला बचने- तैहत बंकरें ते आसरमें कश ठैहने ते आधिकारिक दिशा-निर्देशें दी पालमा करने लेई आखेआ ऐ। लोकें दी मदद लेई इमरजेंसी हैल्पलाईनां बी सक्रिय करी दितियां गेदियां न। ईरान च भारती नागरिकें गी गैर जरूरी आओ-जाई कोला बचने दी सलाह दिती गई ऐ। संयुक्त अरब अमीरात- सऊदी अरब ते जापान सने खाड़ी मुख्खें च राजनयिक मिशनें बी भारतीयें गी मता सौहगा-सर्तक रौहने ते दूतावासें च रजिस्ट्रेशन कराने दा आहवान कीता ऐ। विदेशमंत्री डॉक्टर एस. जयशंकर होरें सऊदी अरब ते कुबैत दे विदेशमंत्रियें कन्नें क्षेत्र च स्थिरता गी लेइयै भारत दियें चिंताएं गी उजागर कीता ते मजूदा हालत पर चर्चा कीती। केन्द्र सरकार नै पच्छिम एशिया दे घटनाक्रम गी दिखदे होई हर मुमकन सहायता दी वचनबद्धता पक्की कीती ऐ।



Trump -Iran Naval Ships

अमरीका दे राष्ट्रपति डॉनाल्ड ट्रम्प होरें ईरान इस्लामिक रिवाल्यूशनरी कोर IRGC दे मुख्यालय गी तबाह करने दी तस्दीक कीती ऐ। उ'नें ईरान दे 9 नौ-सैनिक जहाजें गी तबाह करने दा बी दावा कीता ऐ। इक सोशल मीडिया पोस्ट च ट्रम्प होरें आखेआ कि ईरान दे बाकी नौ-सेना जहाजें गी बी तौले गै तबाह करी दिता जाहगा। उ'नें गलाया जे ईरान दे नौ-सेना मुख्यालय गी बी भारी नुक्सान पुज्जा ऐ। तौंआई इजरायल दी फौज नै ईरान दे दर्जनां बददे फौजी ठकाने पर हमले कीते न- जिंदे च IRGC- खूफिया एजेंसी दा मुख्यालय- IRGC वायु सेना कमान सेंटर ते अंदरूनी सुरक्षा सरबन्धि मुख्यालय बी शामिल ऐ। इजरायल नै आखेआ ऐ जे इनें केन्द्रें दे तबाह होने नै ईरान दी छमता गी बड़्ठा बड़्ठा झटका लगगा ऐ।



US -Iran E-3 Countries

बरतानिया- फ्रांस ते जर्मनी नै ईरान दे मिसाइली हमले दी सख्त निंदेया कीती ऐ। त्रौनै मुखेँ इक ब्याने च अमरीका लेई अपना समर्थन प्रगट करदे होई ओहदे नै इक-जुटता दस्सी ऐ। इनै देशेँ दा आखना ऐ कि ओह इस क्षेत्र च अपने हितेँ दी रक्षा लेई कोई बी गेँऽ पुट्टने लेई त्यार न ते अमरीका ते ओहदे सहयोगी मुखेँ कन्ने मिलियेँ कम्म करने गितेँ राजी न। बरतानिया दे प्रधानमंत्री कीर स्टार्मर होरेँ इक वीणियो सनेए च आखेआ ऐ कि उन्ने ईरान पर हमले लेई अमरीका गी बरतानिया दे अङ्गे गी इस्तमाल करने दी खुल्ल देई दिती ऐ। बरतानिया नै कतर आहली बक्खी बधेँ करदे इक ईरानी ड्रोन गी मारियेँ हेठ सुट्टी देने दा बी दावा कीता ऐ।



Civil Aviation Ministry -PACR

शैहरी हवाबाज़ी सरबंधी मंत्रालय नै आखेआ ऐ जे पच्छिम एशिया दियेँ घटनाएं दे मददेनजर- मंत्रालय दा जातरी सहायता नियंत्रण कक्ष- ब्हाई जातरिएँ दियेँ शकैतेँ ते सोआलेँ दा समाधान करा करदा ऐ। मंत्रालय नै सोशल मीणिया पोस्ट च आखेआ ऐ जे हुने धोड़ी 411 जातरिएँ दियेँ शकैतेँ दा हल करी दिता गेआ ऐ ते एयर सेवा पोर्टल ते हैल्पलाईन दे माध्यम कन्ने जातरिएँ गी सहायता उपलब्ध करोआई जा'रदी ऐ। मंत्रालय नै आखेआ जे जातरिएँ गी भारत दे राजदूती दफ्तरें दे हैल्पलाईन नम्बरेँ दी जानकारी दिती जा'रदी ऐ। मंत्रालय नै जातरियेँ दी मदाद लेई हैल्पलाईन नम्बर 011-24604283 ते 011-24632987 जारी कीते न।



PM- Canada PM Talks

प्रधानमंत्री नरेन्द्र मोदी ते कनाडा दे प्रधानमंत्री मार्क कार्नी हुंदे बश्कार अज्ज नमीँ दिल्ली दे हैदराबाद हाउस च शिष्टमंल स्तरै दी गल्लबात होग। दवै धड़े भारत कनाडा रणनीतिक सांझेदारी च हुनै तगर दी प्रगति दी समीक्षा करगंन। इंदे च बपार ते रासपूंजी- ऊर्जा- महत्वपूर्ण खनिज- राई-बाई- शिक्षा- अनुसंधान- नवाचार ते दौनेँ मुखेँ दे लोकेँ बश्कार सरबंध शामिल न। एहदे इलावा बैठका च क्षेत्रीय ते कुलसंसारी सतह दे ताजा घटनाक्रम दे बारे च सलाह-सूत्र होने दी मेद ऐ। प्रधानमंत्री मोदी ते प्रधानमंत्री कार्नी अज्ज भारत-कनाडा मुख्ख कार्जकारी अधिकारी यानि CEO फोरम च बी हिस्सा लेंगन। कार्नी हुंदी एह यात्रा ऐसे समेँ च होआ करदी ऐ जिसलैँ भारत ते कनाडा दे आपसी सरबंध तेजिया कन्ने बेहतर होंदे जा'करदे न। दौनेँ देशे दे प्रधानमंत्री इक-दुए दियेँ चिंताएं पर ध्यान दिंदे होई जनता दे सरबंधेँ गी निगगर बनाने ते आर्थिक तौरा पर इक-दुए दे पूरक बनने पर पैहले सवा गेँ सैहमती जताई चुकी देन।



ICC T-20 World Cup

आई.सी.सी. टी-20 विश्व कप च भारत नै जंदी रातीं वेस्ट इंडीज गी 5 विकटें कन्नै रहाइयै सैमीफाईनल च थाहर हासल करी लैती ऐ। कोलकाता दे इण गार्णस च वेस्ट इंडीज नै पैहले बल्लेबाजी करदे होई 20 ओवर च 4 विकटें दे नुक्सान पर 196 रन्ज बनाए। परते च संजू सैमसन दे 97 रन्ज दी बदौलत भारती टीम नै 4 गेंदा बाकी रौहन्दे जित दा लक्ष हासल करी लैता ऐ। संजू गी “प्लेयर ऑफ द मैच” चुनेया गेआ। प्रतियोगिता दा पैहला सैमीफाईनल मुकाबला बुधवारे इण गार्ण च दक्खन अफ्रीका ते न्यूजीलैंड बश्कार होग। दूआ सैमीफाईनल वीरवारें मुम्बई च भारत ते इंग्लैंड बश्कार खेोया जाहग। इनें दौनें सैमीफाईनलें दे जेतुएं बश्कार खताबी मकाबला 8 मार्च गी अहमदाबाद दे नरेन्द्र मोदी स्टेडियम च होना तय है।

<><><><><><>

Read by : **Jagmohan Sharma**
Stand by : **Vijay Bajaj**
D.E.O. : **Rajni Devi**
Skilled : **Rajat Paul**
Editor : **Abhilasha Sharma**